

Bazbu Gih:

Minzczu Doxgiet Caeuq Hwnghoengh Lajmbanj Caezcaemh Baenaj

八步区：民族团结与乡村振兴齐头并进

Hocouh Si Bazbu Gih aeu cauhaeb minzczu doxgiet baenaj bae doidoengh lajmbanj hwnghat, coicaenh gak minzczu baedauq gyauhliuz yungzhab, cienzok sing ndei minzczu doxgiet daeuj, haenqrenz cauhsuh aen ghci dingjanz cauhaeb minzczu doxgiet baenaj, caemhcaiq caeuq hwnghoengh lajmbanj daj ndei giekdaj maenhsaed.

Bazbu Gih genhciz dangjen dazyinx, gyaak aendangj lingdauj hong minzczu, dawz hong cauhaeb minzczu doxgiet baenaj gyahaeuj aen daihbuenz caezcaemh maeuzveh ndawde bae, lij laebbaenz aen lingdauj siucuj cauhsuh aen gh yienghbanj dem, gaenxmaenx caeuq vunzlai gajgez vwndiz. Gih de caenhrenz cauhsuh ghcwngz cujcz, caeuq doengh aen mbanj vunzlai siujsoq minzczu comzyouq de ra aen ban “song vej” ndei ak, yungh gijrenz ghcwngz dangjcihu, gungganq buek ganbu siujsoq minzczu bae coengh renz guhhoengh lajmbanj.

Bazbu Gih dawz cauhaeb



▲Yahsiuqva siuqok doengh mbaw veh lajmbanj hwnghoengh ndei.

minzczu doxgiet yungzhaeuj hwnghat lijyouz lajmbanj bae, aeu swhyenz ndei swheij roengzrenz baujhoh caeuq ciepcienz foux meuzfeiz

Bouxcuengh, foux gyongraez Yauzczu daengj feihyiz vwnzva, daiqdoengh canjnieb minzczu miz daegsack de mwnhoengh hwnghat, aeu lai diuz

roenloh bang vunzlai demsou. Gih de caiq aeu gij daegsack vwnzva souhyienz doidoengh canjnieb Ywyauz dieg siujsoq minzczu caeuq canjnieb lijyouz, ciengxlaux yungzhab hwnjdaej, daiqdoengh gyoengqvunz seiq henz yangh cin couhnieb.

Bazbu Gih daj gyaeuj daengz rieng cungj aeu aen leixniemh “aeu lwgminz guh cunghsinh” bae guh hwnghat, giethab cauhaeb minzczu doxgiet baenaj guh aen canloz guhhoengh lajmbanj, gietcomz simvunz, gyonjcomz gijrenz vunzlai. Bi 2018 daengz bi 2021, gih de gungh roengz 1188 fanh maenz ngaenz bang doengh aen mbanj miz 20 hoh vunz doxhwnj de bu roensuijniz, caiq caeuq gizdieg siujsoq minzczu comzyouq de hwnj le 20 lai aen veiswngshoj daengj, gajndeij gwndaenij vunzlai, hawj gak dieg gak minzczu hwnghat ndaej doxdaengh, hawj vunzlai gvaq hwnj ndwenngoengz engq ndei engq baenz de.

(Yang Siujginz Liu Yizbinz / 杨小琴 廖益媛)



▲Vunzlai dieg de simhai najriu langhbaij batgak.

Yougyangh Gih Batgak Homfwt, Vunzlai Mbanjcuengh Angq Sou Lai

右江区八角飘香, 壮乡群众喜丰收

Seizcou, ndoengfaex lij heusausau, byaij hauej ndoeng batgak bae, dauqcawq cungj dwg gij heiq batgak rangfwtfwt de. Gyawj geij ngoenz neix doxdaeuj, gij batgak Bwzswz Si Yougyangh Gih Dalwng Yangh ndaej sou lo, vunzmbanj cingq ca'gaenj mbaet, dak batgak, singriu sing'angq daj ndaw ndoeng, gwnz diegdangz cienz okdaeuj. Batgak dwg gohuq ginghei Dalwng Yangh ndawde cungj ndeu, de ndaej sou vaiq, ndaej ngaenz vaiq, cix mbouj hoj guenj baenzlai. Yangh de couh dawz batgak dangguh aen canjnieb daegsack ndei,

canjnieb swnghdai, gujli vunzlai dajndaem gij binjcungj ndei de, gajcau doenghgij ndoengfaex canjliengh daemq haenx. Caiq son vunzlai baenzlawz fuengzre nonhah, baenzlawz gohyoz dwk bwnh, ra roenloh bang vunzmbanj guh gaicawx, caenhrenz dajcauh aen canjnieb binjbaiz batgak, caemhcaiq guh'ok makbaenz ndei daeuj. Bineix, daengx yangh ndaem le 10 fanh lai moux batgak, aiq sou ndaej 120000 dun yienghneix, caencaen cingqingq bang vunzlai demsou baenzmiz.

(Lanz Ginggaanj / 蓝庆侃)

Binhyangz Hag Gij Cingsaenz Aen Hoih Hong Minzczu Cunghyangh

宾阳学习中央民族工作会议精神

9 nyied 10 hauh, Nanzningz Si Binhyangz Yenvej Dungjcanbu (minzczunghgiz) cujcz daengx yienh dungjan(minzczungh) hidungj nyinhcaen hag gij cingsaenz Aen Hoih Hong Minzczu Cunghyangh. Vunzlai nyinhnaeuz Aen Hoih Hong Minzczu Cunghyangh gig youqgaenj, hai ndaej gig gibseiz, caiq ndaej dazyinx raeuz guhndei hong minzczu seizdaih moq. Aen yienh neix

iugouz ganbu vunzlai aeu ca'gaenj guhndei guhsaed haglaeg gij cingsaenz aen hoih caeuq gij gangjah youqgaenj Siz Ginbingz cungjsuhgi, aeu cukmaenh gij eijsik caezcaemh Cunghvaz Minzczu guh sienqmeh, cienzmienh gyavaiq cauhaeb aen yienh yienghbanj guh minzczu doxgiet baenaj, doidoengh hong minzczu seizdaih moq hwnghat ndaej cizlieng sang. (Lanz Yuiz / 蓝蕤)

Sanhgyangh Guh Aen Hozdung Laex Buqmoengz

三江举办开笔礼活动

9 nyied 10 hauh dwg ciet lauxsae, Liujcouh Si Sanhgyangh Duncuz Swciyen Gujyiz Cin Gyanghconh Siujyoz youq haggeiz moq guh aen hozdung “gyaez guek, maij hag, rox laex, gyo'mbaiq aendangj” laex buqmoengz. Yienhciegz, doenghboux lwghag moq it nienzgaep cingjeix buhvaq, ndaek gyong, buqmoengz hag sij

saw, gingq caz hawj lauxsae daengj. Neix hawj gyoengq lwghag caenndang daejniemh le gij vwnzva cienzdoengj Cungguek, dazyinx gyoengq lwghag laebndei lijsienj gyaez de, rox gyo'mbaiq lauxsae, hauej ndei seiqvunz “aen lwggaet daih'it”.

(Gungh Bujganh / 龚普康)